

## جے میں وارث ہندا!

ڈاکٹر رشید انور

جے وارث میں وارث ہندا جے میں لکھدا ہیر کہانی  
اس قصے دی ہیر نوں لکھدا اتھری تے انموڑ جوانی

جہے ماں دا مان گنویا ، جہے پیوں دی پت لہائی  
جہے گھر وچ چور لیاندا مایاں دے گھر سنھ لوائی  
چوری نالوں مٹھی عزت وچ بیلے دے ڈوہل گنوائی  
مایاں کولوں جہے کھوہ لئی لاڈ پیار دی سب وڈیائی  
نال دھیاں دے نفرت دی اک جگ تے جہے ریت چلانی  
دھی بچے تے ہن کوئی وارث دیندا وی نہیں آن ودھائی

میں تے وارث کدی نہ لکھدا ہیر نوں پیار، وفادی رانی  
اس قصے دی ہیر نوں لکھدا اتھری تے انموڑ جوانی

جے وارث میں وارث ہندا جے میں لکھدا ہیر بیان  
قصے دا ہیرو نہ بن دا ہوچھا ، اتھرا اک جوان  
بھیر زمانے دی اوہ منڈا ہوڑی ، ضدی تے نادان  
اوہ رانجھا ، اور نرا نکتا سارے گھر دا نافرمان  
جیہدی نہھی نہ نال بھراواں جیہدی قینچی وانگ زبان  
کیہڑی گل تے دس خاں وارث تہدھ ودھائی اوہدی شان

میں تے وارث کدی نہ دیندا عشق دی رانجھے نوں سلطانی  
اس قصے دی ہیر نوں لکھدا اتھری تے انموڑ جوانی

جے وارث میں وارث ہندا جے کدھرے میں قلم اٹھاؤندا  
ات شرافت دا اک پتلا سیدا پھردا نہ شرماؤندا  
رن دا روگ گنواون خاطر گھر وچ جوگی اوہ نہ لیاؤندا  
مکر فریب چلتریں والی ہیر دی ہتھیں الکھ مکاؤندا

جٹی ہیر دے ڈکرے کر کے کدھر کھوہ ٹوبے دفناؤندا  
 چھوٹیاں اگے سینہ ڈاہ کے اپنی لُج نو پال دکھاؤندا  
 دیس پنجاب دی غیرت اُتوں صدقے کردا چند جوانی  
 اس قصے دی ہیر نوں لکھدا اتھری تے انموڑ جوانی

جے وارث میں وارث ہندا جے میں زور دکھاؤندا فن دا  
 کیدو جیہے فرشتے تائیں میں وارث شیطان نہ من دا  
 میں لکھدا تے اونہوں لکھدا پھرے دار عزت دے دھن دا  
 جہے پتہ نشانی دسیا گھر وچ سڀ دے زہری پھن دا  
 کسے دی دھی نوں اپنی جاتا اوہ سی پاک پوتر من دا  
 میرا کیدو مار نہ کھاندا اوہ چوراں دے گئے پھن دا  
 میں کیدو نوں اکھی لکھدا لکھدا پنڈا دا پیر گیانی  
 اس قصے دی ہیر نوں لکھدا اتھری تے انموڑ جوانی

جے وارث میں وارث ہندا میرے قلم توں سہتی ڈردی  
 او بھابھی دے آکھے لگ کے ویر دا جگا پوڑ نہ کر دی  
 جھوٹھا ہیر نوں سڀ نہ لڑ دا جے شیطان داروپ نہ بھر دی  
 وشے وکار دی خاطر بھیڑی انج بے لئی ہو نہ مردی  
 آس مُراد نہ پاؤندی بھانویں پیر دلہیز وں باہر نہ دھر دی  
 دھی پنجاب دی بن کے دسدی دھیاں داناں اُچا کر دی  
 دیس پنجاب دی دھی دے منہ تھے کھیہ نہ پاؤندی خصماں کھانی  
 اس قصے دے ہیر نوں لکھدا اتھری تے انموڑ جوانی

جے وارث میں وارث ہندا بال ناتھ نوں گورو نہ کہندا  
 بھنگی چرسی کٹھے کر کے گھورکھ دھندا لا نہ بہندا  
 تے جے سچ مچ گورو اوہ ہندا ادا رانجھے نوں او جوگ نہ دیندا  
 جہڑا اوہدے درتے جاندا اوہ مُر اوسے در دا رہندا  
 جنناں دا غم سینے لا کے ہس کے پھڑ ہجر دی سہندا  
 پتہ نشانی کچھ نہ لبھدے ایسا عشق دے کھوہ وچ لہندا

میرا رانجھا کدی نہ کردا کن پڑواؤن دی کارستانی  
اس قصے دی ہیر نوں لکھدا اتھری تے انموڑ جوانی

جے وارث میں وارث ہندا میرا قلم انصاف کماؤندا  
کدی وی میرے قلم دا قاضی عدل دے ناں نوں داغ نہ لاؤندا  
رانجھے دے سنگ اڈھل جانی ہیر نوکھیڑیاں ہتھ پھڑاؤندا  
سیدے بے دوشے دے گھرنوں حق انصاف دے نال پچاؤندا  
بھانویں رانجھا جوگی اوہدے محل منارے ساڑ گنواؤندا  
اوہ انصاف دا خون نہ کردا سگوں اوہ حق دا مان ودھاؤندا

عدل ترازو تول دا سانواں بھانویں جاندی چند نمائی  
اس قصے دی ہیر نوں لکھدا اتھری تے انموڑ جوانی

جے وارث میں وارث ہندا میں ایہہ قصہ ہور بناؤندا  
میری ہیر دا وارث رانجھا پیار دا آ کے مان ودھاؤندا  
عشق دی گل نوں آپ سجھدا بہہ کے ہیر تائیں سجھداؤندا  
نمک حرام کدی نہ بن دا مالک دے گھر سنھ نہ لاؤندا  
چُپ چیتیاں پتنگے ہیر توں چندڑی گھول گھاؤندا  
جگ تے عشق عبادت بن دا ایسی جگ نوں چاچ سکھاؤندا

عشق دا اصل مقام کیہہ ہندا اے میں دسدا ایہہ پتہ نشانی  
اس قصے دی ہیر نوں لکھدا اتھری تے انموڑ جوانی

انور نالوں منیاں وارث توں ایں بہت اُتھا فن کار  
رانجھے ہیر دا پر ایہہ قصہ مینوں جاپے جھوٹا پیار  
دیس پنجاب دی غیرت دے لئی ایہوں سجھاں میں لکار  
دیس دی ہراک دھی دا بابل دُبیا اے وچ سوچ وچار  
ہیر دی راہ تے تڑ کے دھیاں پہنچ گیاں نیں وچ بازار  
جے وارث توں ویکھیں آ کے روویں آپ دو ہتھ مار

پٹھے وگدے چاچن تینوں پنچے دریاواں دے پانی  
اس قصے دی ہیر نوں لکھدا اتھری نے انموڑ جوانی